

PEMBERITAHUAN PERTANYAAN DEWAN RAKYAT, MALAYSIA

**PERTANYAAN : BERTULIS
DARIPADA : DATUK HALIMAH BINTI MOHAMED SADIQUE
[KOTA TINGGI]**

Datuk Halimah binti Mohamed Sadique [Kota Tinggi] minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan usaha mempergiat pemantauan harga barang terutamanya semasa musim perayaan dan apakah kekangan yang dihadapi oleh Kementerian dalam merealisasikannya.

JAWAPAN

Kementerian ini sentiasa mengambil langkah-langkah proaktif bagi meminimakan kenaikan harga barang di dalam negara. Sehubungan itu, Kementerian telah melaksakan **Skim Kawalan Harga Musim Perayaan Tahun Baru Cina, Pesta Kaamatan, Hari Gawai, Hari Raya Puasa, Deepavali dan Krismas**. Skim ini merupakan satu kaedah untuk menyekat kenaikan harga yang tidak munasabah akibat permintaan tinggi semasa musim perayaan. Kawalan harga ini dibuat bagi memastikan harga barang tidak melonjak naik pada musim perayaan. Selain itu, ia juga bertujuan untuk memastikan peniaga tidak mengambil kesempatan untuk mengaut keuntungan secara keterlaluan pada musim perayaan.

Pegawai-pegawai penguatkuasa Kementerian Perdagangan Dalam Negeri dan Hal Ehwal Pengguna akan membuat pemeriksaan di seluruh negara bagi memastikan peniaga mematuhi undang-undang serta peraturan-peraturan yang berkuat kuasa sepanjang pelaksanaan skim ini.

Sebagai langkah proaktif, pemantauan harga barang juga turut dilakukan secara konsisten oleh Pegawai Pemantau Harga yang telah dilantik oleh Kementerian ini untuk membuat pemantauan ke atas pasaraya besar, pasaraya, pasar basah, pasar mini, kedai serbaneka 24 jam, kedai runcit dan premis makanan siap masak di seluruh negara. Hasil

pemantauan ini akan digunakan sebagai **laporan trend harga barang** dan **tindakan penguatkuasaan** sekiranya berlaku kenaikan harga.

Pada masa yang sama, Kementerian **mendapat kerjasama dari Kementerian Pertanian dan Industri Asas Tani** bagi memastikan bekalan makanan khususnya yang melibatkan bekalan ayam, ikan, daging dan sayuran sentiasa mencukupi dan tidak terjejas, sekaligus memastikan harganya berada dalam kadar yang berpatutan dan **setakat ini tiada kekangan pihak Kementerian untuk merealisasikannya**.